

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIIII**

Voluntariè vt sit patiendum: voluntatis propriæ mala quæ sint: pax item  
qualis in aduersis habenda.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

rimus Nazarenus. Dicit eis Iesus: Ego sum. Dicente Iesu, Ego sum, quare illum non capiunt: quare manus in illo non iniiciunt: nisi quis nondum illis concessa erat facultas, & quo intelligerent, sua se malitia nihil posse, nisi vltro se ipsum Christus in manus traderet. Discerent quoque, Iesum potuisse liberum abire ex eorum (si voluisset) manibus, quando illum ante oculos stantem prohibiti sunt agnoscere. Quomodo enim liber aut illæsus non potuisset abire, qui per hoc verbum, per quod se quæsitum manifestauit, dicens: Ego sum: tanta virtute omnes qui aderant prostrauit, ut nemo illorum stare potuisset? Quid putas factum esset, si vindicare se voluisset, si eorum verborum vim sustinere non potuerunt, quibus se illis eum quem quererent, esse manifestabat?

**Verba Chri-  
sti quantæ  
sunt virtutis.**

**Matth 25.**

**Ioan. 18.**

Si adeò sunt terribilia verba Christi, nec imp̄ijs ferenda, quando se ipsum obtulit in mortem, quando capi, iudicari & occidi voluit, quam formidanda sunt eius verba, quam grauiter eius sunt audienda verba, quando venturus est iudicare vindicare c̄q; malos? Si tantæ est virtutis verbum, Ego sum, quante erit potestatis. *Ite maledicti in ignem eternum?* Cum itaque surrexissent à terra, denuo q̄ interrogati quem quærerent, iterumq; respondissent ut ante: Dominus Iesus, *Si, inquit, igitur me queritis, finite hos abire.* Considera hic, quia super se Iesus illis potestatem dedit, super apostolis autem nullam prorsus potestatem dedit. Ideo securi potuissent non fugere, hoc enim verbum: *Finite hos abire, fuit eiusmodi virtus, ut nemo illos contra prohibitionem Christi lædere potuisset.*

*Voluntariè ut sit patiendum: voluntatis propriæ mala quæ sunt: pax item qualis in aduersis habenda.*

**Vt nos vo-  
luntarios  
offerre de-  
beamus ad  
paciendum.**

**Neminem  
lædi nisi à  
seipso.**

**1. Petri 3.**

**Voluntas  
propria vi  
sola nocet  
homini.**

**Pax vera in  
quo cōsistat.**

**D**ocemur Christi exemplo, nos voluntarios offerre ad ea quæ patienda sunt, aut enim Deus ut patiamur vult, aut non vult. Si vult, qui nos sumus, ut audeamus aut præsumamus resistere aut subterfugere? Non subterfugiemus, non euademus, sed facimus ut absque fructu patiamur, quicquid nolentes patimur. Si vero Deus non vult ut patiamur, vniuersus mundus non nocebit nobis, nec poterit quicquam aduersum nos. Omnino igitur diuinæ prouidentiæ nos refugemus, omnino eidem confidamus oportet, & de manu eius quæ nobis eveniunt accipiamus. Stultissimum est fugere à manu Domini. Quo fugies aut fugis? & ubi effugies? ubi euades? tecum portas te ipsum. Vbique te comitantur passiones & infirmitates tuæ. Te ipsum circumfers quounque veneris. Intra te est, non in alio, quod pateris. Quis enim tibi nocebit, si bonus æmulator fueris? Si tu bonus fueris, quis te lædere potest? Non tu te lædas ipsum, & nemo te læderet alius. Vis scire quis te lædit? Tua sola immortificatio, tua propria voluntas, qua non vis pati, qua optatis non vis carere. Tui priuatus amor, quem non niteris extinguere, tibi angustiam facit. Quocunque igitur declinas, nisi ad Dominum configrias, non euades manus eius. Si euadere vis, ad illum confüge! Vbique est tentatio, vbique aduersitas, vbique vasa infirma, vbique imperfectos inuenies homines. Et pax tua non consistit in non sentiendo, sed in patienter tolerando aduersitates. Pax tua non est extra te, sed intrate: & si volueris, in potestate tua. Si te ipsum viceris, omnes inimicos tuos superasti. Neque enim maiorem habemus inimicum, quam nostrum proprium cor, & voluntatem nostram. Quæ diue-

diu enim hæc nobis sunt propria, quam diu nostra sunt, non sunt communia  
Deo neque proximis, quæ sunt solum quæ sua sunt, non quæ multorum, non  
quæ sunt Dei. Voluntas igitur propria, quam statuere conamur vel contra  
Deum, vel sine Deo, est quæ nobis nocet. Reliqua omnia, tametsi vniuersus ar-  
maretur mundus, non queunt nobis nocere. Habeamus igitur cor rectum, ha-  
beamus voluntatem diuinæ voluntati conformem, & nihil formidemus.  
Eam ob rem præcipue vigilandum est super custodia cordis, pro reformatio-  
ne & perseverantia bona voluntatis. Semper pugnandum est contra peccata,  
semper tolerandæ aduersa. Recedente enim vna tentatione, mox sequitur a-  
lia. Nunquam igitur nobis pax est, nisi ea, quam habemus in Deo & cum Deo,  
qua discamus in pace esse, in pace vivere, in pace denique quietescere, idquæ tunc & cum Deo  
maxime, quum etiam foris, aut intus in pressura sumus. Nonne Christus hoc sit habenda.  
dixit: In mundo pressuram habebitis, sed confidite, ego vici mundum. Hæc loquutus  
sum vobis, ut in me pacem habeatis. Si pax foret, non sentire aduersa, nec Christus  
nec eius sancti pacem habuissent. Nemo enim illorum fuit, qui nullas conu-  
mellias, nullas derisiones, nullas contradictiones, nullas inimicitias hic susti-  
nuerit. Sustineamus igitur nos quoque, atque ultra nos offeramus ad patien-  
tia aduersa. Secundò, Christus suo nos exemplo docuit, nobis ut rigidi & in-  
clementes simus, proximis vero clementes & benigni. Nos in aduersitatibus  
Christo nos offeramus, à proximis vero ybicumque possumus aduersa amo-  
neamus, ne simus de illorum numero qui alijs alligant onera grauia, uno ta-  
men digitorum suorum nolentes eadem portare. Matt. 23.

Pax vti semi-  
per in Deo  
& cum Deo  
loan. 16.

## IESUS OSCULO EST TRADITVS Artic. IX.

**E**T appropinquauit autem Iudas Iesu, ut oscularetur eum. Matth. 26.  
Et cum venisset, statim accedens ad eum, ait: Ave Rabbi. Mare. 14.  
Dixitque illi Iesus: Amice, ad quid venisti? Et osculatus Lucae 22.  
est eum. Iesus autem dixit illi: Iuda osculo filium homi-  
nis tradis? loan. 18.

## HOMILIA IX.

**N**equæ armati hostes, neque traditor in Dominum aliquid potuerunt,  
nisi accepta prius à Domino licentia, quam dederat iam dicens: Si ergo loan. 18.  
me queritis, finite hos abire. Post hæc igitur verba confessim accedens  
Iudas, osculatus est Christum, dicens: Ave Rabbi. Erat enim consuetudo Chri-  
sto, discipulos quoquæ si absuerant, osculo suscipere.

Vide autem in hoc nequam perfidiam & cæritatem. Tanto tempore cum Christo  
ambulauerat, signa eius multa viderat, audierat eum cordium arcana co-  
gnoscere; nihil tamen propterea credit in Christum, quem suam putat latere  
simulationem ac fraudem. Considera iterum quam dolorosa Christo fuerit Traditio Iu-  
hæc traditio: primò, quod à discipulo siebat. Inde enim grauius exhonora-  
batur Dominus Iesus, cor quoque eius profundius fauciabantur, dolens pro-  
pter discipulum. Secundò grauiabatur, quia hæc à dilecto, eoque apostolo &  
honorato, facta est. Propterea in Psalmo Dominus de eo loquitur: Quoniam  
si ini-